



Republika ng Pilipinas
Lalawigan ng Bulacan
Lungsod ng Malolos

TANGGAPAN NG PUNONG LUNGSOD

ATAS TAGAPAGPAGANAP BLG. 45
Serye 2020

PAGTATAKDA NG MGA PANUNTUNANG IPATUTUPAD SA LUNGSOD NG MALOLOS MULA IKA-19 NG AGOSTO HANGGANG SA ANG KLASIPIKASYONG PANGKUWARENTINANG *GENERAL COMMUNITY QUARANTINE* AY MABAGO.

SAPAGKAT, alinsunod sa Resolusyon Blg. 64 na may petsang 17 Agosto 2020 ng Inter-Agency Task Force for the Management of Emerging Infectious Diseases, ang lalawigan ng Bulacan ay isinailalim sa klasipikasyong pangkuwarentinang General Community Quarantine;


SAPAGKAT, alinsunod sa Seksyon 15 Artikulo II ng Konstitusyon ng Republika ng Pilipinas 1987, dapat itaguyod at pangalagaan ng Estado ang karapatan sa kalusugan ng mga mamamayan at ikintal ang kamalayang kalusugan sa kanila;

SAPAGKAT, alinsunod sa Seksyon 16 ng Kodigo ng Pamahalaang Lokal ng Pilipinas 1991, nararapat na siguraduhin at suportahan ng mga pamahalaang lokal ang kalusugan at kaligtasan ng kanilang mamamayan bilang bahagi ng pangkalahatang kapakanan sa kani-kanilang nasasakupan;

SAPAGKAT, alinsunod sa Seksyon 455 (2) (iii) ng Kodigo ng Pamahalaang Lokal ng 1991, ang Punong Lungsod bilang Punong Tagapagpaganap ng pamahalaang lungsod ay may kapangyarihang mag-akda ng mga atas tagapagpaganap para sa taimtim na pagsasagawa ng mga batas at ordinansa;

NGAYON, SAMAKATUWID, ako, si **INH. GILBERT T. GATCHALIAN**, Punong Lungsod ng Lungsod ng Malolos, Lalawigan ng Bulacan, sa bisa ng kapangyarihang kaloob sa akin ng mga umiiral na batas, ay ipinag-uutos ang mga sumusunod:

SEKSYON I. MULING PAGPAPATUPAD NG PAGGAMIT NG HOME QUARANTINE PASS. Ang paggamit ng home quarantine pass ay muling ipatutupad. Bukod sa mga Authorized Persons Outside Residences, isa lamang sa bawat bahay ang pahihintulutang makalabas upang makabili o makapagsagawa ng transaksyon sa mga establisyimentong pinahihintulutang magbukas.



2F City Government Building
Barangay Sto. Niño, City of Malolos 3000
Telephone No.: (044) 796-2793
Email: mayorbebonggatchalian@gmail.com



**"Tulungan po natin ang bayan
na tulungan ang mamamayan."**

Ang lahat ng establisyimentong may pahintulot na magbukas ay muling tinatagubilang tanging ang mga APOR at mga indibidwal na napagkalooban ng home quarantine pass lamang ang maaaring papasukin sa kanilang mga establisyimento. Para sa mga hindi residente ng Lungsod, liban sa Pamilihing Bayan ng Malolos na magpapanatili ng clustering, maaari silang makapasok sa mga establisyimento kung sila ay makapagpakita ng quarantine pass o pahintulot mula sa pamahalaang lungsod / bayan na kanilang kinabibilangan.

SEKSYON I.1 MGA AUTHORIZED PERSON OUTSIDE RESIDENCES (APOR).

Ang mga APOR ay ang mga sumusunod:

1. Frontliners at healthworkers;
2. Mga opisyal at kawani ng mga ahensiya ng Pamahalaan;
3. Mga manggagawa/manininda ng mga establisyimentong may pahintulot nang magbukas;
4. Mga Opisyal at kawani ng mga foreign diplomatic missions and international organizations;
5. Mga Pastor, Pari, Imam at iba pang ministrong pang-relihiyon kaugnay sa kanilang pagsasagawa ng funeral rites;
6. Mga nagbabalik na Overseas Filipino Workers, sa araw na itinalagang kanilang pag-uwi sa Lungsod ng Malolos;
7. Mga indibidwal na may edad 21-59, na hindi kasama sa mga nabanggit, na napagkalooban ng quarantine pass.

SEKSIYON I.2 Sa lahat ng pagkakataon, ang mga may pahintulot na lumabas ay nararapat na magsuot ng face mask at sumunod sa mga ipinatutupad na panuntunan patungkol sa physical distancing.

SEKSYON II. PAGPAPANATILI NG CLUSTERING AT TWO-DAY WINDOW PERIOD SA PAMILIHANG BAYAN NG MALOLOS. Patuloy na ipatutupad ang clustering ng mga barangay sa Pamilihing Bayan.

SEKSYON III. MAHIGPIT NA PAGRE-REPORT SA MGA BARANGAY OFFICIALS NG LAHAT NG BALIKBAYAN AT MGA MALOLENYONG NAGBALIK MULA SA IBANG BAYAN. Lahat ng Balikbayan, mga Malolenyong nagbalik mula sa ibang bayan, at mga Malolenyong stranded sa ibang bayan na nagbalik sa Lungsod ay inaatasang makipag-ugnayan sa pamahalaang barangay na nakasasakop na kanilang tirahan upang masiguro ang pagtupad sa *14-day quarantine protocol*.

SEKSYON III.1 Ang lahat ng Balikbayan o OFW na magbabalik sa Lungsod ng Malolos ay nararapat na makapagpakita ng quarantine clearance at medical certificate bago makapasok sa Lungsod. Magkagayunman, sila ay isasailalim pa rin sa 14-day home quarantine sa kanilang pagdating sa Lungsod.

SEKSYON III.2 Ang lahat ng Malolenyo na naipit sa ibang lugar ngayong panahon ng community quarantine o mga *locally stranded individuals*, alinsunod sa National Task Force Against COVID-19 Order No. 2020 – 02, ay nararapat na kumuha ng medical certificate sa

Municipal Health Officer o City Health Officer ng bayan o lungsod kung saan sila ay stranded; at ng travel authority mula sa awtorisadong kinatawan ng Philippine National Police.

SEKSYON IV. REGULASYON PATUNGKOL SA MGA PAMPUBLIKONG TRANSPORTASYON. Pinahihintulutan ang pagbabalik-pasada ng mga pampublikong jeepney na napagkalooban ng Special Permit ng Land Transportation Franchising and Regulatory Board. Para sa mga public utility tricycles, ang mga may lehitimong prangkisa lamang ang maaaring mamasada. Tanging ang mga drayber na may edad 21-59 ang pinapayagang makapamasada.

SEKSYON IV.1. PAMANTAYANG PANGKALUSUGAN. Ang mga tsuper ng pampublikong transportasyon ay kinakailangang sundin ang mga sumusunod:

1. Ang pagsusuot ng face mask at face shield sa lahat ng oras;
2. No facemask and face shield, no ride policy. Alinsunod sa DOTR Memorandum Circular No. 2020-014, tanging ang mga may face mask at face shield lamang ang maaaring pasakayin sa mga pampublikong sasakyan;
3. Para sa mga traysikel, maglagay ng pisikal na harang sa pagitan ng motor at sidecar;
4. Para sa mga jeepney, maglagay ng harang sa pagitan ng hilerang upuan. Kinakailangan ding maglagay ng marka sa mga bahagi ng upuan kung saan uupo ang mga pasahero upang masiguro na mayroong pagitan para masunod ang protocol ng social distancing;
5. Upang maiwasan ang pag-aabot ng bayad sa jeepney, ang mga drayber ay gagawa ng alternatibong pamamaraan upang hindi magpasahan ng bayad ang mga pasahero.

SEKSYON IV.2. Sa lahat ng pagkakataon, isang tao lamang ang maaaring maging pasahero ng tricycle. Para naman sa mga dyip at UV Express, kalahati lamang ng kapasidad ang maaaring isakay.

SEKSYON IV.3 Lahat ng pampublikong sasakyan ay inaatasang magsagawa ng kinakailangang paglilinis o disinfection sa pagitan ng pamamasada o kaya'y habang nasa terminal sa mga parte ng sasakyang laging mahahawakan, gaya ngunit hindi lamang, ng upuan, tagiliran, patungan ng kamay or armrest at salalayan ng gamit.

SEKSYON IV.4 Ang pagkuha ng temperature ng mga mananakay gamit ang mga thermal scanner ay nararapat na isagawa sa lahat ng terminal ng pampublikong jeepney at traysikel.

SEKSYON IV.5 Ang lahat ng terminal ng pampublikong transportasyon ay kinakailangang maglaan ng alcohol, tubig at sabon o ng disinfectant para sa kanilang mga mananakay.

SEKSYON IV.6 Ang Fare Matrix ay dapat na nakapaskil sa loob ng bawat sasakyan sa lugar na madaling matanaw ng mga pasahero.

SEKSYON V. MGA ESTABLISYIMENTO / INDUSTRIYA NA PINAHIHINTULUTANG MAGBUKAS NGAYONG GCQ. Nararapat na sundin ang mga alituntunin sa Memorandum Circular No. 20-44 Series of 2020 ng Department of Trade and Industry ng lahat ng establisyimento o industriya na may pahintulot na magbukas. Mahigpit na itinatagubilin ang pagsunod sa nakalaang operational capacity batay sa nabanggit na Memorandum.

SEKSYON V.1 MGA ESTABLISYIMENTO / INDUSTRIYA NA HINDI PINAHIHINTULUTANG MAGBUKAS NGAYONG GCQ. Bilang gabay, ang mga sumusunod na establisyimento ay walang pahintulot na magbukas ngayong GCQ:

1. Language, driving, dance/acting/voice schools
2. Entertainment industries
3. Libraries, archives, museums and cultural centers
4. Tourist destinations (halimbawa: water parks, beaches, resorts)
5. Travel agencies, tour operators, reservation services, and related activities
6. Full-body massage
7. Tattoo and body piercing
8. Live Events

Sumusunod ang mga establisyimento na hindi maaaring magbukas habang nasa ilalim ng anumang klasipikasyong pangkuwentina ang Lungsod:

1. Traditional cockfighting and operation of cockpits
2. Beerhouses & similar establishments whose primary business is serving alcoholic drinks
3. Kid amusement industries

SEKSYON VI. REGULASYON PATUNGKOL SA MGA MALL AT SHOPPING CENTER. Ang mga malls at shopping center ay may pahintulot na magbukas hanggang sa 50% ng kanilang operational capacity. Mahipit na itinatagubilin ang kanilang pagsunod sa guidelines ng Department of Trade and Industry – Memorandum Circular No. 20 – 21.

Ang mga may edad 20 pababa at 60 pataas, mga may immunodeficiency, comorbidity, mga nagdadalang-tao, at may mga health risks, ay makapapasok lamang sa mga malls at shopping centers kung sila ay napagkalooban ng quarantine pass- i.e. sila ay walang ibang kasama sa bahay na mayroong home quarantine pass upang makabili ng mga pangunahing pangangailangan.

Tanging mga APOR at ang mga napagkalooban na quarantine pass ang maaaring makapasok sa mga Mall at Shopping Centers.

Alinsunod sa DTI-DOLE Joint Memorandum Circular No. 20-04-A, ang lahat ng Malls at Shopping Centers ay nararapat na magkaroon ng isang isolation area malapit sa pasukan (entrance).

SEKSYON VII. OPERASYON SA MGA OPISINA NG GOBYERNO. Ang mga opisina ng gobyerno ay maaari nang magbigay ng serbisyo gamit ang 100% ng kanilang mga manggagawa ngunit maaari pa ring maghatid ng serbisyo sa pamamagitan ng skeleton workforce o iba pang alternatibong paraan ng paggawa alinsunod sa mga alituntunin ng *Civil Service Commission*.

SEKSYON VIII. PAMANTAYAN PARA SA LAHAT NG PRIBADONG ESTABLISYIMENTO. Bukod sa alituntunin patungkol sa contact tracing ng mga establisyimento at tanggapan sa ilalim ng Memorandum Circular No. 20-44 Series of 2020 ng Department of Trade and Industry, ang mga pribadong establisyimento ay nararapat na tumalima sa DTI-DOLE Joint Memorandum Circular 20-04-A. Sinasaklaw ng Memorandum na ito ang mga sumusunod:

1. Mga pamantayan para sa kaligtasan at kalusugan ng mga manggagawa;
2. Tamang pangangasiwa ng mga asymptomatic at symptomatic na manggagawa;
3. COVID-19 Testing;
4. Pagbubuo ng mga Komiti para sa Occupational Health and Safety;
5. Tamang pag-uulat ng mga resulta ng COVID-19 tests ng kani-kanilang mga manggagawa;
6. Pagsasagawa ng Disinfection at Closure sakalaing may manggagawang magpositibo; at
7. Pagbibigay ng mga benepisyo gaya ng Leave of Absences.

SEKSYON IX. PAMANTAYAN PATUNGKOL SA MGA MASS GATHERING. Tanging mga pagtitipon na patungkol sa pagbibigay ng kritikal na serbisyo ng pamahalaan at *humanitarian activities* na may pahintulot ng pamahalaang lokal ang maaaring ganapin ngayong GCQ. Ang mga *religious gathering* ay pinahihintulutan sa kondisyong hindi lalagpas sa sampung (10) katao lamang ang dadalo. Hindi pinahihintulutan ang mga pagtitipon gaya ng konsiyerto, panunuod ng sine, sporting events, community assemblies at iba pang walang kaugnayan sa pagtupad sa mga gampanin ng mga APOR.

SEKSYON X. MAHIGPIT NA PAGPAPATUPAD NG ISOLATION NG MGA INDIBIDWAL NA "COVID-19 SUSPECTS". Ang sinumang matukoy ng Contact Tracing Team ng Lungsod na nagkaroon ng close contact sa isang *COVID-19 patient* at nagpakita ng sintomas ng coronavirus na walang sariling bukod na silid sa kanyang tahanan at natukoy ng mga manggagamot na hindi kailangan ng pagpapaospital ay agarang dadalhin ng Contact Tracing Team ng Lungsod sa isa sa mga *isolated facilities* ng Lungsod.

SEKSYON XI. PAG-INOM NG ALAK / PAGSUSUGAL. Ipinagbabawal ang pagkonsumo ng anumang inuming nakalalasing sa pampubliko man o pribadong lugar at ang pagsusugal ngayong panahon ng General Community Quarantine.

SEKSYON XII. CURFEW. Maliban sa mga APOR at sa mga indibidwal na mayroong travel authority mula sa PNP, alinsunod sa City Ordinance 62-2020, ang curfew sa Lungsod ng Malolos ay magsisimula nang ika-sampu ng gabi hanggang ika-lima ng umaga (10PM – 5AM).

SEKSYON XIII. PANANATILI NG QUARANTINE CHECKPOINTS. Patuloy na ipatutupad ang mga checkpoint sa mga borders ng Lungsod. Ang mga Punong Barangay ay inaatasang magpatupad na barangay checkpoint na pangungunahan ng kani-kanilang mga Barangay Tanod. Magkagayunman, nararapat siguruhin na hindi magkakaroon ng hadlang ang mga pagbiyahe o paghahatid ng serbisyo na pinahihintulutan sa mga lugar na nasa ilalim ng GCQ.

SEKSYON XIV. BARANGAY CONTACT TRACING TEAM AT BARANGAY HEALTH EMERGENCY RESPONSE TEAM. Inaatasan ang mga Punong Barangay na magbuo ng Barangay Contact Tracing Team alinsunod sa advisory ng Kagawaran ng Interyor at Pamahalaang Lokal. Kasabay nito, ang mga Barangay Health Emergency Response Team ay nararapat na gawing aktibo upang maging katuwang ng Tanggapan ng Panlungsod na Manggagamot sa pagpapatupad ng mga hakbangin patungo sa pagmomonitor ng mga kaso ng coronavirus at mga katatayuang pangkalusugan ng bawat barangay.


SEKSYON XV. KAPARUSAHAN. Ang sinumang lalabag sa Atas na ito ay papatawan ng kaukulang pena alinsunod sa City Ordinance No. 62-2020 ng Sangguniang Panlungsod.

SEKSYON XVI. SUGNAY NA NAGBUBUKLOD. Anumang kautusan o polisiya ang ilathala ng Pamahalaang Panlalawigan, lalo't higit ng Pamahalaang Nasyunal, ay ginagawang bahagi ng Atas na ito. Gayundin, ginagawang bahagi ng Atas na ito ang mga alituntuning nakatakda sa City Ordinance No. 62-2020 ng Sangguniang Panlungsod.

SEKSYON XVII. SUGNAY NG PAGHIHIWALAY. Sakaling ang alinman sa mga sugnay ng Atas na ito ay maipawalang-bisa, mananatiling may bisa ang lahat ng sugnay na maaaring ihiwalay sa sugnay na nawalan ng bisa.

SEKSYON XVIII. KABISAAN. Ang Atas Tagapagpaganap na ito ay binibigyang kabisaan mula sa ika-19 ng Agosto, taong kasalukuyan.

Nilagdaan ngayong ika-18 ng Agosto, 2020. Lungsod ng Malolos, Lalawigan ng Bulacan.


INH. GILBERT T. GATCHALIAN
Punong Lungsod